

«Бекітемін»

ҚР ОАМ «Балаларды ерте дамыту институты» РММ директоры

М. Ерманова

«30» _____ 2025 ж.



Мектеп жасына дейінгі балалар мен олардың ата-аналарының қатысуымен «Шебер әке, өнерлі ана, еңбекқор бала» колдан жасалған бұйымдар республикалық байқауын өткізу туралы ЕРЕЖЕ

1. Жалпы ережелер

1.1. Осы Ереже меншік түрлері мен нысанына, ведомстволық бағыныстылығына қарамастан (мемлекеттік, жекеменшік) мектепке дейінгі ұйымдар арасында мектеп жасына дейінгі балалар мен олардың ата-аналарының қатысуымен «Шебер әке, өнерлі ана, еңбекқор бала» республикалық байқауының (бұдан әрі – Байқау) мақсаты мен міндеттерін, ұйымдастыру тәртібі мен өткізу шарттарын белгілейді.

1.2. Байқау Қазақстан Республикасы Оқу-ағарту министрлігінің «Балаларды ерте дамыту институты» РММ (бұдан әрі – Институт) 2025 жылға арналған жұмыс жоспарына сәйкес өткізіледі.

1.3. **Мақсаты:** балаларды отбасылық құндылықтарға, еңбекқорлыққа баулу.

1.4. Міндеттері:

- балалардың ұлттық құндылықтарға деген қызығушылықтарын ояту;
- балалардың физикалық белсенділігін, танымдық, шығармашылық және коммуникативтік дағдыларын дамытуға ықпал ету, ересектерге көмек көрсету ниеттерін қолдау;
- балаларды дербестікке және ересектермен бірге әрекет етуге ынталандыру;
- балаларды табиғатқа қамқорлық жасауға баулу.
- «Жас аналар мектебі», «Әкелер мектебі» жұмыстарын жандандыру.

2. Байқауды ұйымдастыру тәртібі мен өткізу шарттары

2.1. Байқаудың ұйымдастырушылары – «Балаларды ерте дамыту институты» РММ, аудандық, қалалық білім бөлімдері, облыстық, республикалық маңызы бар қалалардың және астананың Білім басқармалары.

2.2. Байқаудың I және II кезеңдерін ұйымдастыру және өткізу үшін Ережеде облыстың, республикалық маңызы бар қалалардың және астананың Білім басқармасының байланыс телефондары мен электрондық поштасын көрсету қажет.

2.3. Байқау үш кезеңде өткізіледі:

I кезең – аудандық (қалалық);

II кезең - облыстық;

III кезең - республикалық деңгей.

2.4. Өңірлерде Байқау өткізу туралы хабарландыруды аудандардың, қалалардың білім бөлімдері, облыстардың және республикалық маңызы бар қалалардың және астананың Білім басқармалары бұқаралық ақпарат құралдарында, интернет-ресурстарда Байқау басталғанға дейін күнтізбелік 30 (отыз) күн бұрын жариялайды.

2.5. Байқаудың барлық кезеңдерінде материалдарды бағалау үшін Білім басқармасы басшысының бұйрығымен аудан, қала, облыс, республикалық маңызы бар қалалар және астана деңгейінде байқау комиссиясы құрылады (құрамы кемінде 7 адам).

2.6. Байқау комиссиясы аудандық, қалалық білім бөлімнің, облыстың, республикалық маңызы бар қалалардың және астананың Білім басқармаларының мамандары, мектепке дейінгі ұйымдардың басшылары, әдіскерлер, білікті педагогтер, ата-аналар қауымдастығының өкілдері, бұқаралық ақпарат құралдары және т. б. қатарынан құрылады.

2.7. Байқау комиссиясы мүшелері келесі құқықтарға ие болады:

- лайықты үміткерлер болмаған жағдайда, жүлделі орындарды бермеу;
- техникалық ақауларға байланысты (қатысушы тарапынан) ашылмаған бейнематериалдарды қарастырмау;
- ұзақтығы осы Ережеде белгіленген уақыттан асатын бейнематериалдарды қарамау;
- Ережеде көрсетілген мерзімнен кеш жіберілген бейнематериалдарды қарамауға (2.9-тармақ.).

2.8. Республикалық кезеңнің байқау комиссиясының қарауына қажетті материалдардың тізбесі:

1) Облыстық, республикалық маңызы бар қалалар мен астананың Білім басқармаларының **ілеспе хаты**;

2) байқауға қатысу үшін **өтінім** (осы Ереженің 1-қосымшасы);

3) ортаңғы, ересек және мектепалды топтардан (сыныптардан) байқаудың I және II кезеңдеріне қатысушылардың санын көрсете отырып, II кезең қорытындысы бойынша облыстың, республикалық маңызы бар қалалардың және астананың Білім басқармасының байқау комиссиясының **хаттамасы** (сканерленген көшірме);

4) ресімдеуге қойылатын талаптарға және бағалау критерийлеріне сәйкес келетін **бейнематериал**.

2.9. Материалдар мектеп жасына дейінгі балалар мен олардың ата-аналарының қатысуымен «Шебер әке, өнерлі ана, еңбекқор бала» қолдан жасалған бұйымдар республикалық байқауының атауымен **2025 жылдың «14» наурызынан** кешіктірілмей i-rrd2021@mail.ru электрондық поштасына жіберіледі. Көрсетілген мерзімнен кеш келіп түскен материалдар қаралмайды, сондай-ақ қайтарылмайды.

3. Қатысушыларға қойылатын талаптар және байқау шарттары

3.1. Байқауға тәрбиеленуші ата-анасымен қатыса алады және бірге жасаған қолөнер бұйымдарын, отбасындағы еңбек әрекетін, қоршаған ортаға,

үй жануарларына қамқорлық жасау (ағаш, гүл отырғызу, төрт түлікті күтіп баптау, құстарға ұя, жануарларға үйшік жасау және т.б.) отбасылық дәстүрлер туралы (қонақ күту, демалыс уақытын бірге өткізу және т.б.), отбасының сүйікті істері бойынша бейне материалдар ұсынуына болады.

3.2. Бірлескен жұмыста бала жасының ескерілуі, қауіпсіздік ережелерінің сақталуы, баланың қызығушылығы және өз ойын еркін білдіруі, бала мен ата-ананың әрекеті, бірлескен әрекетте баланың ата-анасымен әңгімелесуі көрсетілуі тиіс.

3.3. Байқау балалар үшін қауіпсіз жерде (эстетикалық безендірілген үй-жайда, аулада, алаңда, балалар алаңында және т.б.) өткізіледі.

3.4. Бейнежазбалар YouTube платформасына жүктеледі, сілтеме өтінімде орналастырылады.

3.5. Байқауға қатысушының өтінімі осы Ереженің шарттарын толық қабылдайтындығының, Байқау өткізу шеңберінде дербес деректерді өңдеуге келісім беретіндігінің дәлелі болып табылады.

4. Байқау жұмыстарын бағалау критерийлері

4.1. Орындау деңгейі келесі критерийлер бойынша 5 балдық жүйе бойынша бағаланады:

- орындау техникасы мен сапасы;
- қолдан жасалған бұйымдардың (басқа да әрекеттердің) орындалу шеберлігі мен мәнерлілігі;
- жұмыс мазмұнының байқау тақырыбына сәйкестігі;
- шығармашылық ойдың қатысушы жасына сәйкестігі.

5. Бейнематериалға қойылатын талаптар

5.1. Байқау бейнежазбасы мынадай талаптарға сай болуы тиіс:

- түсірілім кәсіби, бейнекамераны өшірмей және тоқтатпай (басынан аяғына дейін) орындалуы тиіс;
- бейнежазба MPEG-4 форматында қабылданады;
- әр файлдың өлшемі 300 Мб-тан аспауы тиіс;
- бейнематериалды ресімдеуге қойылатын талаптарды, дыбыс сапасын сақтау;
- бейнероликтің ұзақтығы **3 минуттан аспауы** тиіс.

5.2. Бейнематериалдың басты бетінде мыналар көрсетілуі керек:

- мектепке дейінгі ұйымның атауы;
- жұмыстың атауы;
- қатысушылар (баланың, ата-анасының тегі, аты, жөні, жасы) және жауапты педагог (тегі, аты, әкесінің аты, лауазымы) туралы мәліметтер.

6. Қорытындылау, жеңімпаздарды марапаттау

6.1. Байқау комиссиясы жеңімпаздарды келесі орындар бойынша анықтайды:

I орын;

II орын;

III орын.

Номинациялар:

«Үздік қолөнер бұйымы»

«Үздік композиция»;
«Шебер отбасы»;
«Ұйымшыл отбасы»;
«Еңбекқор отбасы»;
«Мейірімді отбасы»;
«Өнегелі отбасы»

6.2. Байқаудың республикалық кезеңінің жеңімпаздары дипломдармен марапатталады, жеңімпаздар мен жүлдегерлерді дайындаған педагогтерге алғыс хаттар беріледі.

6.3. «Шебер әке, өнерлі ана, еңбекқор бала» байқауының қорытындылары мен жеңімпаздардың материалдары Институттың www.irrd.kz сайтында және әлеуметтік желілер парақшасында жарияланады.

Анықтамалар үшін телефон: 8 (7172) 57-46-52

Мектеп жасына дейінгі балалар мен олардың ата-аналарының қатысуымен «Шебер әке, өнерлі ана, еңбекқор бала» республикалық байқауына қатысуға өтінім

_____ облысынан

Білім беру ұйымының толық атауы (МДҰ Жарғысына сәйкес)	
Қатысушылар туралы мәліметтер (тегі, аты, балалардың жасы)	
Қатысушылар саны	
Жұмыс атауы	
Педагогтің аты-жөні және лауазымы	
Жауапты педагогтің байланыс телефоны	
Бейнематериал орналастырылған YouTube бейне платформасынан сілтеме	